

127. **Չագավանը** Կոտայքի շրջանի բնակավայրերից է. այժմ այն չկա: Նրա տարածքը գրավել է Բալահովիտ գյուղը դեպի հարավ տարածվելով: Այդտեղից արևմուտք դեպի Երևան հոսող Գետառի ափին է Չագավանքը, որ այժմ անվանվում է Գետարգել: Գետարգելը զարմանը գատկից հետո մեծ ուխտատեղի է:

128. **Մուշաղբյուր** Ալիշանը կոչում է նաև Մուշեղաղբյուր: Արտաշատի, Վեդիի և Ակոռի գյուղերը համարվել են այդ գյուղի Մուրբ Աստվածածնի թեմը: Գյուղի տեղավայրը անհայտ է, կործանվել է Երևանի մեծ երկրաշարժի ժամանակ՝ 1679 թվին:

129. **Ղանդահարը** Աֆղանստանի քաղաքներից է:

130. **Ֆրանկանոց գյուղը** Ալիշանը տեղադրում է Մեծամորի և Քասաղ գետերի գետամիջում՝ Էջմիածնի շրջանում:

131. **Նիկոմիդա քաղաքը** Իզմիթն է Մարմարա ծովի ափին:

132. **Գառնակերի վանքը** գտնվում է Արցախի Փառիսոս (Փառեն) գավառում:

133. **Ծաղկաձորի գավառը** ներկայիս Հրազդանի շրջանն է Ծաղկաձոր չքնաղ կենտրոնով, որտեղ գտնվում է Կեչառիսի վանքային համալիրը:

134. **Նախամարք գյուղը** Ծաղկաձորի շրջանում է եղել, որ հնում կոչվել է Վարաժնունիք: Ըստ Ալիշանի՝ Նախամարքի տեղը հայտնի չէ:

135. **Կեչառիսը** գյուղ է եղել, որ այժմ գոյություն չունի: Գտնվել է Ծաղկաձորի հարևանությամբ: Գուցե թե հենց Ծաղկաձորի հին անունն է, քանի որ Ծաղկաձորի հյուսիս-արևելյան ծայրին է գտնվում Կեչառիս վանքային համալիրը:

136. **Մաղմոսավանը** գյուղ է Աշտարակի շրջանում՝ Աշտարակից 12 կմ հյուսիս Քասաղ գետի ափին: Գյուղին մոտիկ և գյուղից առաջ 13-րդ դարում բարձր ժայռի վրա կառուցվել է վանքային համալիր Մաղմոսավանք անունով:

137. **Շատիկը** վանք է Եղեգնաձորի շրջանի Շատին գյուղի մոտերքը: Վանքը հիմնադրվել է 929 թվին:

138. **Աղստևի գավառ** հասկացությունը 10-րդ դարում հիշատակում է Ասողիկը: Հավանորեն Աղստև գետի հովտի մասին է խոսքը:

139. **Վեդու դաշտը** Արարատյան դաշտի արևելյան մասն է՝ Վեդու տարածքը:

140. **Հարանց վարքը** գրքի անվանում է, որտեղ հավաքված են սրբակենցաղ մարդկանց, հոգևոր նշանավոր հայրերի, խոշոր եկեղեցական գործիչների, մարտիրոսների կյանքի ու գործունեության պատմությունները: Հայկական **Հարանց վարքերը** բազմաթիվ ժողովածուների ամբողջություն է:

141. **Գողթան գավառը** հնում Սյունյաց նահանգի գավառներից մեկն է

էր: Հարավից հարում է Արաքսին, հյուսիսից՝ Ծղուկին ու Երնջակին, արևելքից՝ Արևիքին ու Չորքին, արևմուտքից՝ Երնջակին:

142. **Մեծամորը**, որ ժողովուրդը Սև ջուր է կոչում, սկիզբ է առնում Արարատյան դաշտի Արմավիրի շրջանի Ակնա լճից և գնում, թափվում է Արաքսը:

143. **Թեղենիսը** վանքային համալիր է Ապարանի (Նիգ) գավառի Բուժական գյուղի հյուսիսում:

144. **Սևավեր գյուղը** ըստ Ալիշանի տեղադրված է Քարաշամբի մոտերքը: Հավանորեն այնտեղ է եղել նաև Մանտոն, Արայի լեռան և Հրազդանի միջև:

145. **Բաղրինջը** ըստ Ալիշանի՝ Բյուրականից հարավ երկու մղոն հեռու գտնվող Ագարակն է:

146. **Տիգրանակերտը** Մեծ Հայքի Աղձնիք նահանգի Եփրկերտ գավառում է: Կոչվել է նաև Մարտիրոսոպոլիս, Եփրկերտ, Ֆարկին: Կառուցել է Տիգրան Մեծը մ.թ.ա. 70-ական թվերին: Պատմության մեջ Տիգրանակերտը շփոթվել է Դիարբեքիի՝ Ամիդի հետ: Այստեղ էլ կրկնվում է այդ սխալը:

147. **Կավակերտը** ըստ Ալիշանի՝ Դաստակերտ էր կամ գյուղ Հրազդանի ափին: Տեղը հայտնի չէ:

148. **Ջահուկ** կամ **Ճահուկ** Մեծ Հայքի Սյունյաց նահանգի գավառներից է, որը մի գյուղի անունն է եղել նաև:

149. **Գուլափտի**, Գուլոստի Ապարանի (Նիգ) գավառի Չորաբերան գյուղի հին անվանումն է:

150, 151. Մեծ Հայքի Գուգարք նահանգի **Տաշիրի գավառի** նշանավոր բնակավայրերն են **Դսեղը**, **Օձունը**, **Սանահինը** և այլ պատմական հնություններով ու վանքերով հարուստ վայրեր:

152. **Բարկուշատը** Սյունիքի Բաղք գավառի գյուղերից է եղել:

153. **Կոտայք գավառի** հիշված **աղբյուրները** հիմնականում սկիզբ են առնում Ակունք և Աղաձոր գյուղերի արևմտյան տների տակից: Արմաղան լեռնաշղթայի փեշերից, մի ժամանակ այդ ջրերից էր գոյանում Երևանի միջով անցնող Գետառ գետը: Այժմ այդ ջրերը քիչ բացառությամբ խողովակաշարերով բերված են Երևան:

154. **Աղջոց վանքը** Գեղարդավանքից հարավ 7 կմ հեռավորությամբ վանք է: Գտնվում է հին Մագուգ գավառում (այժմ Կոտայքի շրջան):

155. **Այրիվանքը** Գեղարդավանքի հին անվանումն է: Գտնվում է Մեծ Հայքի Արարատ նահանգի Մագուգ (Գառնի) գավառում Գառնի նշանավոր գյուղից 7 կմ հյուսիս-արևելք: Նշանավոր ուխտատեղի է առ այսօր:

156. **Հափուց թաղը** գտնվում է Գառնի գյուղից արևելք Ագատ գետի ձախ ափի բարձունքի վրա: Կառուցվել է 1013 թվականին: Ծաղկման շրջան է ապրել 12-14-րդ դարերում: Կործանվել է 1679 թվի երկրաշարժից: